



Georg 1066



Georgs-B.

460






# Von dē stand

der Kindlein so one die Tauff  
vorscheyden ic.

D. Eberhardus  
Weydenszee.



1524





# Zum Leser.

**L**ieber Leser/ Ich hab am negsten von dem frembden Glauben (aus der Historij des Euangelij vor vsacher) geprediget/ vñ bin also auf der Kinder (so yn dem glauben der Chrißliche gemeyn getaufft werden) glau-  
Ben/ stand vñ wesen get omen/ vñ habe auch  
darvon geredt/ So höre ich nü/ das sich etliche (wel-  
che mit yrer blinden vornunfft die unbegreyßliche ge-  
rihte Gottis/ seinen heimlichen verborgen radt/ vñ  
vnerforschliche wege ermessen vñnd erforschen wöl-  
len) daran stossen/ vñnd dunckt yhnen vnrecht seyn  
das die vnschuldigen Kinder (wie sie sagen) sollen  
nicht alle selig/ sonder yhrer ein teyll vordampft wer-  
den/ Also stoffet sich die törichte Klugkheytt am Got-  
tis wercken/ vñnd duncken yhr die geschwinden vñnd  
gerechten gericht Gottis vnrecht sein/ vñnd kan sich  
die nerrynne da nicht ynne schicken/ den es muß geist-  
licher weyse gerichtet sein/ Wie? Mag Gott nicht  
thun was ehr will? Mag ehr sich nicht Erbarmen  
welches ehr will/ vñnd vorstocken welchen ehr will?  
O mensch wer bistu denn/ das du mit Gott rechten  
wilt? Spricht auch ein werck zu seinem meister/ war-  
umb machstu mich also? Hat nicht ein Töpfer ma-  
cht/ auß einem Klumpen zu machen ein faß zu den eh-  
ren/ vñnd das ander zu der vnehre? Wie den auch der  
Weyßeman sagt/ Herz/ wer wirt dir sagē/ was hastu  
gethan? Oder wer wirt stehen wiß dein gericht?  
Oder wer wirt kōmen fur dein angesichte ein recher  
der vngerechten menschen? Oder wer wirt dirs fur  
werffen/ so die Geschlechte verloren werdē/ welche du

1. Cor. i. 2. 3

Esai. 33

Psal. 93.

Roma. 11

Sapi. 9

Esai. 40

1. Corine. 2

Math. 22

Exodi. 33.

Roma. 9

Sapi. 12

hast geschaffen: Darüb das nu dise vnnützen schwer  
ger gestillet/ vnnnd yedermeynlich erkennen müge/  
das ich nicht wider die schrifft geredt habe/ Hat mi  
ch gut gedencht / die meynung wie ich von den kyp  
dern geredt/ ynn ein Eleyens Tractetein zūvorfassen/  
vñ das durch den Druck außgehen lassen. Habe dich  
wol. N. D. xxiiij.

## Von dem glauben standt

und wessen/ der vnnorstendigen Kinderen.

**Die Erste frage/ Ob der glaube der Christlichen ge  
meyne (darynne die kinder getaufft werde) sie auch  
von den sunden rechtfertige/ vnd selig mache: Ant  
wort/ Die kinder werden ym glauben der Christlichē  
gemeine getaufft/ aber nicht selig/ Die Christliche ge  
meyne glaubt yn Christū/ vñ weyß durch den glaubē/  
das alle die glauben vnd getaufft werden/ selig wer  
den/ yn dem glauben tauft sie die kinder/ vnd bittet  
vor sie/ das yne Gott seinen heyligen geyst / vñ durch  
dene die gabe des glaubens/ gebe/ vñ also reynige yre  
herzē durch den glauben/ Dis ist den kindern genug  
das man sie mag teuffen / Aber sie werden durch sol  
chs gepet vñ glauben nicht selig/ den es ist ein fremb  
der glaube/ Es wirt aber nyemant selig on seinen ey  
gen glauben/ Den der mensch muß Gottis wort vnd  
zūsage mit seinem eygen glauben fassen/ vnnnd daran  
hangen/ den es ist vnnmöglich on den glauben Gotte  
gefallen/ vnd der gerechte wirt yn seynem (nicht yn  
frembden) glauben leben zc. Der halben werden die  
kynder/ so getaufft werden nicht selig/ sie haben den  
eynen eygen Glauben.**

Mar. vlti.

Actu. 15

Hebre. 11

Abacu: 1

Roma. 1

## Die Ander frage.

¶ Entpfahen auch alle Kynder / durch die tauffe / vnd  
den glauben der Chrißlichen gemeyne / den glauben?  
Antwort / Der glaube ist ein gabe Gottis / darumb  
mag niemant den glauben haben / er habe yne den vō  
Gotte empfangen / Nun wissen wir das Gott nicht  
eynem yederen gibt den glauben / Wie Paulus sagt /  
Der glaube ist nicht ydermans dings / darumb ist ni  
cht vermutich / das alle die also getaufft werden / den  
glaubenn empfangen / vnd wir können nicht wissen  
wem er geben wyrt / vnd weme nicht / den der Weyse  
man sagt / welcher mensch kan Gottis radt wissen /  
oder wer mag gedenccken was Gott wölle?

¶ So aber yemandt sagenn wurde / hatt doch  
Christus zugesagt / alles was wyrt bitten werden von  
dem hymlichen Vater / soll vns gegeben werden / so  
dann nu die Chrißliche gemeyne für das kyndt bittet  
das yhm Gott wölle den glauben geben / muß es yhe  
also geschehen ic. Antwort / Das gepet muß ym glau  
ben geschehen. Denn also sagt Christus / Alles was  
yhr byttet yhn ewrem gepett / glaubt nur / das yhrs  
empfangen werdet / so wyrts euch werdenn / So hatt  
man auch ynn der Epistelen Jacobi / das das gepett  
soll ym glauben geschehen / vñ muß nicht gezweyfelt  
sey / Denn wer do zweyffelt / der ist gleych wie eynn  
woge des möres / die vom wynde getrieben vnd bes  
weht wirt / Solcher mensch dencke nur nicht / das er  
etwas von dem Herren empfangen werde / Darumb  
wer do byttet / der muß eynen festen glauben habenn  
das yhm Gott das wölle gebenn / was ehr byttet /  
vnd muß auch dar an gahr nicht zweyffeln / Denn

A iij

2. Thessa. 3

Sapient. 21

Mat. 7. 18

Marci. 11.

Luce. 11

Johan. 16

Marci. 11

Jacobi. 1

muß yhn seynem geyst durch Gottis geyst/eynn ge-  
wisse zusage haben / das yhn Gott erhören wölle/  
Nu kan die Christliche gemeyne solchen glauben vn-  
zuorsicht zu Gott nicht haben/das sie Gott erhö-  
ren werde / wenn sie dem Kinde den glauben bittet/  
Aus dieser vr sache / denn sie weyßt Gottis wyllem  
2. Thessa. 3 nicht/ob ehr auch wölle dem Kinde den glauben ge-  
ben/den (wie auch vor gesagt) der glaube ist nicht  
Math. 20. yedermans ding / Auch sind wenig außserwelt / vnnd  
Math. 7 wenig gehen durch die engen pforden yns leben zc.  
Mat. 5 Auch hatt vnß Christus beeten gelernet / dein wille  
Exodi. 33 gesche. Nun sagt ehr / welchen ich gnedig byn / dem  
byn ich gnedig / vnnd welchs ich mich erbarme / des  
erbarne ich mich / So ligts yhe alles an dem willen  
Gottis / wenn ehr den glauben will geben / So dann  
die Christliche Gemeyne nicht kan wissen / obs auch  
Gottis wille sey / das ehr dem Kynde den glauben ge-  
ben / vnnd das selig machen wölle / kann sie den glaub-  
ben nicht haben / das sie Got erhören wölle / vn wir  
auch der halben nicht gewyslich erhöret / sonder sie  
muß es yhn Gottis willen stellen / vnnd sagen / deyn  
1. Joan. 5 wille geschehe zc. vnd das ist das der heylige Joan  
sagt / Das ist die freydigkheit die wir haben zu yhm /  
das / so wir etwas bytten nach seynem wyllem / so  
höret ehr vnß / Ists nun Gottis wille / vnnd ehr das  
Kind hat außserwelt / so erhöret ehr die Christlichen  
gemeyne / vnd gibe dem Kynde den glauben / wo aber  
nicht / so krieget das Kynnd den glauben nicht / vn muß  
Ephes. 2. ein Kynnd des zornes / vnnd der vordamniß bleyben /  
dr hilfft nichts fur / vnd weñ auch hymel vnd erden /  
vnd alles was drinnen ist darfur beten / so wers do /  
Malach. 3 d. nichts / denn Gott spricht also / Ich bin Gott / vnd  
Esai. 45 werde nicht gewandelt. Item mein radt soll stehen /  
vnd all mein will geschehen zc.



Item wenn Gott müste allen Kindern so getaufft werden / den glauben geben / wer es nicht yn Gottis / sonder yn der Christen gewalt / wer do selig oder verdamet sein solte / den ehr müste alle die selig machen welche getaufft wurden / Den das ist ye gewis / welchem Got den glauben ein mall gibt / dem nym pt er yn nicht wider / Den er thut nicht wie die menschen / das er wider neme / was er eyn mall geben hatt / Wie Paulus spricht / Gottis gaben vnd beruffung müge yhn nicht gerewen. Item Joannis / wir wissen das / wer vō Gott geboren ist / der sundiget nicht / sondern die gepurt von Gott helt yn / vñ der böswicht wirt yhn nicht antastan.

Item Paulus / die sünde wirt nicht herschen kün den vber euch seytemal yhr nicht seyt vnter dem gesetz / sondern vnter der gnade zc. Item welche er verordent hat / die hat er auch beruffen / welche er aber beruffen hat / die hat er auch rechtfertiget / welche chr aber hat rechtfertiget / die hat er auch herlich gemacht zc. Tu stets ye yn Gottis willen / wer do soll beruffen vnd selig oder vordampft werden / Denn wie Paulus sagt / Er erbarmet sich welchs er wil / vñ verstockt welche er will / Darumb folgt auß disem alle das nicht allen Kindern so getaufft werden / der glaube werde gegeben / sunst müsten alle die getaufft werden / selig werden / vnd Christus hette nicht gesprochen wer do gleubt vñ getaufft wirt / sondern wer do getaufft wirt / soll behalten werden zc.

¶ Fragestu aber / wie kan den der glaube sein ym kinde / die weyl es keine voinunfft hat ? Antwort / Yn kinde hat eben so ein vollkomen vnd voinunfftige sel nach dem bilde Gottis geschaffen / gleych wie die volgewachsen menschen / alleine das sie durch vnvolkomēheit des cōipers verhindert wirt / Tu kan Got

Roma. 11

1. Joan. 5.

Roma. 6

Roma. 8

Roma. 9

Exodi. 33

Mar. xlii.

Capiten. 9

die gabe des glaubens yhn die sele des kints gieffen/  
das es das kindt nicht gewar wirt/biß das es zu sey/  
ner vornußt kumpt/oder stirbt/gleich wie ein schlaf/  
ffender mensch seines glaubens auch nicht erkennet/  
biß das er erwachet.

## Die Dritte frage.

**G**Ob die Kinder so getaufft sind / vnd vorscheyden  
ehe dan sie zu yrer vornußt komen/alle selig werde/  
oder ob yrer ein teyll auch vordamiet werden? Ant/  
**Ephe. 2** wort/Alle kinder so von man vnd weyb geborn wer/  
**psalm. 50.** den/sind alle kinder des zorns der vormaldedung/d  
**Roma. 3** vordamnuß/ vnd des ewigen todes/ Den wie Paulus  
sagt/ die sünde ist durch einē menschen kōmen in die  
**Roma. 5** welt/vnd der tod durch die sünd/vñ ist also der tod  
vber alle menschen durch gangen/die weil sie alle ge/  
**Genesi. 17.** sündiget hatten ic. Also sagt auch Gott zu Abrahā/  
Ein yglich kneblein wens acht tage alt ist solt yr bes/  
schneyden/vñ wo ein kneblein nicht wirt beschnittē/  
an der vorhaut seines fleischs/des seel sol auß gerodt  
werden auß seinem volck/darumb das es meinē bund  
vnterlassen hat ic. Tu von diser sünd/todt vnd vor/  
damnuß kan niemandt erlost werden/den allein dur/  
**Hebr. 11** ch den glauben yn Christū / den der ist allein der mit/  
**1. Thimo. 2** ler zwischen Got vñ dem menschen/der vns mit Got  
**Colossen. 1** vrsinnet vñ fride machet/durch das blut seines creis/  
ges/vnd mag zum vater niemant kōmen/den allein  
**Johan. 14** durch yhn ic. Darumb ist diß der beschließ / das nyem/  
ant/er sey jung oder alt/klein oder groß selig mag  
werden on den glauben/Tu ist der glaub Gottis ga/  
be/welchen er gibt wem er will/ vnd müssen der halb  
ben alle kinder/welchen Got den glauben nicht gibet  
ewiglichen vordamnet sein.

Fragestu nu was hilfft den dem kind das es getaufft wirt? Antwort/nichts/ so ym Gott den glauben nicht gibt/den die tauff ist nur ein eusserlich zeychen des Christenthums/vñ der ymnerliche recht fertigung durch den glaubē/darüb so das ymnerlich ding nicht da ist/hilfft das zeychen nichts/den die tauff on den glaubē macht nicht selig/aber der glaub on die tauff macht woll selig/Es werden viel verdampft die getauffte sein/ werden auch vil selig die nicht getauffte sind/Derhalben ist on nott/das die weyber so cylem mit den kindlein/das sie ya getaufft werde/vñ tauffen sie zu zeytten/wen sie kaum halb geporn sind/den Gott sind seine hende nicht an die tauff gepunden/das er sunst nicht künde die kinder selig mache/arch wirstu yhn mit deinem tauffen nicht zwingen/das er das kind das du taufft müsse selig machen/Er hats yn seinem ewigē radt schon beschlossen/welchs selig vñ welchs vordampft sein soll/welchem er den glauben gibt der wirt selig/welchem er den nicht gibt d wirt vordampft/wen er auch hundert tausent mal getauft wurde/Nicht sage ich diß/das man die tauffe vorachten sol/so man sie süglichen haben kan/den es ist ein zeychen von Gotte yngesagt/sonder das man sich auff die eusserlichen tauff nicht vorlasse so die ymnerliche tauffe (das ist vornawerung des ymnerliche menschen (welch alleine vor Gott gilt) nicht do ist/die beschneydung war auch ein zeichen vō Got gegeben/die geschach aber nicht ehe das kind acht tag alt war/vñ dennoch waren die kindlin nicht verloren/welche also vnbeschnitten vorstorben zc.

Derhalben ist nerrisch geredt/Ich wolt das ich do ich ein kind war/gestorben were/so were ich doch gewißlich selig wordē/wie man offt höret etliche sagen/Neyn/das ist nicht war/Gib es Gott heym vñ

B

Gala. vlc.

Genesi. 17.

gieffen/  
s zu sey/  
in schla/  
kennet/

heyden  
werde/  
Ant/  
n wer/  
ung/d  
aulus  
in die  
r todt  
lle ge  
rahā/  
yr bes  
nitter/  
erodt  
bund  
d vor/  
n dur  
mit/  
Got  
creis/  
llein  
nyes  
mag  
s ga  
hals  
gibt

stelle dich yn seine hande / vnd glaube yn yhn / gibte er  
dir die genade das du yn yhm gelauben kanst / so hat  
er dich gewislich verordent von ewigkeit / zur ewigē  
seligkeit / Bistu von ym nicht verordent vñ versehē /  
so werestu doch verloren wordē / so du yn deiner kind-  
heyt werest vorscheiden zc. Liff das neunndt capittel  
zum Römern do wirstu finden das Jacob yn mütter  
leyß erwelet / vnd Esau verdampt war / ehe die kind-  
er geporn waren / vnd weder güts nach bößes than  
hatten zc.

**Roma. 9**  
**Malach. 1**  
¶ Es ist der gleychen auch fast nerrisch vnd vnchrist-  
lich / das etlich sagen thören / die ehelichen leute solle  
sich ym natürliche wercke nicht vrsamen / sie wissen  
dan das das kindt (so dauß komen wirt) verordent  
sey zur ewigen seligkeit / was gibte dirs zu schaffen /

**Genesi. 11.** ob Got deine kinder vordamen oder selig mache wil /  
dir ist befolhen das du dich vorehelichest / vnd kinder  
zeigest / das thu / vnd las die deine kinder tauffen / vñ bit-  
te Gott das er yhnen den glauben gebe / vnd sich das  
sie Christlich vnd erbarlich erzogen werden / so hastu  
das deine gethan / will sie nu Gott selig machen das  
ist gut / will er sie vordamen / das ist auch gut / den es  
ist alles gut was er thut / vñ alle seine gerichte seynd  
recht / vnd hettestu hundert kinder erzogen / vnd wüß-  
testu das sie alle mit eynander müsten ewigliche vor-  
dampt sein / das soltu dich nicht betrüben / du soltest  
auch nicht eyn mall darumb seuffzen / sonder du sol-  
test Got loben vnd preysen / das sein götlicher wille  
yn deinen kindern geschehe / vñ sagen / Herr dein wils  
le geschehe / Es haben die heyligen Väter vnd Patri-  
archen Adam / Noe / Abrahams / Isaac David zc. auch  
kinder erzogen / welche ewiglichen vordampt sind zc.  
Darumb greiff du Gotte yn sein gerichte nicht / vnd  
laß yhn mit deinen kindern machen / wie es yhm woll-

**psalmo. 13**

**Tho. 3**

**Apoca. 19.**

**Math. 6**

gefel  
ber n  
wer d  
Ben s  
vater  
che s  
gen d  
nit tr  
des g  
des g

gefelt / vñ sey nicht klüger den er ist / Sich das du selb  
ber mit rechtem glauben an yhm hangst / vñnd selig  
werden mügst / vñ gedencke was Ezech: xviij. geschri  
ben stet / Sich alle seelen seind mein / wie die seele des  
vaters / so ist auch die seele des sons mein / die seele wel  
che sundigen wyrt soll sterbē / Der son soll nicht tra  
gen die myssethat seines vatters / vñnd der vater soll  
nit tragen die missethat des sones / die gerechticheit  
des gerechten sol sein vber yhn / vñd die gotlosigkeit  
des gotlosen vber yhn zc.

gedruckt yn der fürstlichen Stadt  
Altenburg durch Gabriel  
Bang.

ibe er  
d hat  
ewige  
sehē /  
kint  
mittel  
ütter  
e kint  
than  
risti  
olle  
issen  
ent  
fen /  
vil /  
der  
bie  
das  
stu  
das  
co  
nd  
üß  
or  
st  
le  
le  
is  
h  
d  
l

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.












*Handwritten text in cursive script, likely a library or ownership mark.*

1066  
Georg...








Auszlegung der  
Epistel Petri





12



# Von dē stand

der Kindelein so one die Tauff  
vorscheyden ic.

